

1.-

Ἐσέν ὄντες ἐγάπεσα "

Ἐσέν ὄντες ἐγάπεσα, ὡς λέγω σε πῶς ἔτον,
ἀπάν σὴν πόρταν ἔστεκες, ἡμέρα ἐξέργος ἔτον.
Γουρπάν ἐγὼ γὰ γίνουμαι, ὃ' ἐσόν τό σπαλερόπον,
σὴν κὸλφια σ' ἔχω μερτικόν, σὸ κρεβατόπο σ' τόπον.
Λελεύω ἀτά τ' ὀμμάτοπα σ', ντό τεροῦν καί γελούνε,
σά φανερά στραβοτεροῦν καί σά κρυφά γελούνε.

2.-

" Ἐλα-ἔλα μικρόν ἀρνὶν "

Ἐλα-ἔλα μικρόν ἀρνὶν, ἔλα κανέναν ὦραν,
τό χρόνον χάνω γιὰ τ' ἐσέν, ἐσύ κί χάν' τς τὴν ὦραν.
Ὅθεν πᾶς ἔλ' ἀγλήγορα, μι' ἀργεῦ'ς καί τυραννίεις με,
τ' ἐμόν ἢ φή ὀλίγον ἐν, ἐβγαίν' κί ἄλλο κί, εὐρήκ'ς με.
Ἐλα-ἔλα μικρόν ἀρνὶν, ἔλα λαλασεμένον,
ἔλα καί ξάν παργόρεφον τὴν κάρδια μ' τό καμένον.

3.-

" Ἐλάτεν ἐλάτεν συγγενοί " - σόλο λύρα.

4.-

" Ἐλα ἀρνί γιὰ χόρεφο "

Ἐλα ἀρνί γιὰ χόρεφο, μέ τ' ἐμέ τό λοπούτη,
ἐγὼ ἐσουμαδεύτηκα, π' ἐμέ κὸφο τ' ὀμούτι.
Ἐγὼ ἐσουμαδεύτηκα κί ἀρνί ἐσύ τό ἔγνες,
ἐγάπανα κ' ἐγάπανες, ἐθέλνα καί κ' ἐθέλνες.
Ἐγὼ ντό πολλά ἀγαπῶ τό μερακλί τ' ἀρνόπο,
τρανὸ χαρά πῶς ἐδέκε, σ' ἐμόνα τό καρδόπο.

5.-

✓ Ἐρημον Σοχοῦμ "

✓ Τσόλ' κί ἔρημον ξάν καί Σοχοῦμ, ἐσέν καί τὰ γιαζία σ',
ἐθύμιον ἐφέκα σε τ' ἐμά τὰ τραγωδία σ'.
✓ Ἐνιτι, παλαιά καιρούς, μαῦρα ντ' ἐδέβαν χρόνια,
χαράντας ντό ἐπέρασαν κί ἐπέμνανε τὰ πόνια.
✓ Σίτ' στέκω, κᾶπως γίνουμαι καί ἡ γούλα μ' γομοῦται,
ἀναστορῶ τὰ παλαιά κί ἡ καρδία μ' ματοῦται.